



# Kerneier Lyrik

Seite 1

## Spiele

---

**Kartenspiel: Klavrias, Hops und Langtarte...** von Nikolaus Schnauffer

Klavrias:

Klavrias is a luschtiches Spiel,  
Wam'mr uffpasst, v'rspielt'mr nett viel.

Der Trumpf macht, der hott's schon schwer,  
Die anre drei, falle iwr ehm heer.

Un Kontra gebt ohnr, vun dene drei gleich,  
Dr Spieler sagt: „Reontra, heint zeig ich's eich!“

Der Kontra gewe hott, gebt gleich „Supp“,  
Ihr drei kennt des ausleffle, „Atutt“!

Ich hab a „Quint“ zum Trump Rotkeenich,  
Des is far dich Spielmachr zu weenich.

Dr anri sagt: Ich hab aa a „Quint“ zur Schelle Ass,  
Jetzt schwitzt dr Spielmachr, sei' Hernschaal is schon ganz nass.

Dr Spielmachr spielt gleich dr Owr oo',  
Zum zähle bleibt nett viel iwrich, do droon'.  
Mit dem Stich macht'r des Kraut nett fett,  
Jetzt krigtr Angscht un is v'rschreckt.

A Haufe Karte hott'r Spielmachr,  
Beim Zehle sin nar a paar Siwenr un Achtr.

Dr Spielmachr hott v'rlaare,  
Un muss jetzt ganz schee zahle.

Zwelf Dinar muss'r zahle, dr Spielmachr  
Un die drei Gwinnr koscht des nar a Lachr.

So gehts beim Klavrias, ohnr macht's Spiel,  
Die anre drei gehn uff ehn los, des is ihr Ziel.

Do gibt's Kontra, Re, Supp un Mord,  
Do werd ganz schee uff dr Tisch g'kloppt.

Un am Schluss werd g'zählt un g'zählt,



# Kerneier Lyrik

Seite 2

## Spiele

---

Oft geht's um paar Buuve, awr die henn gfehlt.

Ohnr bleibt allweil uff dr Strecke  
Un der muss noot bleche.

Hops:  
Des Hops-Spiel is a Spielschreck,  
Loss vun dem die Fingr weg.

V'rspiele kannscht do a V'rmeegje,  
Drum loss Dich beim Hopsspiel nett sehge.

Hops is a gefährliches Spiel,  
Mr will uff ohmool an's große Ziel.

Ohmool tuscht gwinne  
Un zwaamool v'rspiele.

Hott ohnr mool a Ass, do raatz'n des  
Un macht ko Spaß.

Er setzt viel Geld uff die Bank  
Un v'rlangt a Blatt un druckt un druckt, des daurt lang.

Uff ohmool schreit'r, a zwatti Ass  
Un werd drbei ganz blaß.

Schmeist die zwaa Asse uff dr Tisch  
Un strafft mit zwaa Händ s'Geld an sich.

Dr Bankhaltr schaut traurich drei',  
Doch helfe tut's ehm aa nix drbei.

Drum sage ich euch, losst die Fingre weg, des hott ko Sinn,  
Des bringt s'meischt Unglück un ko Gewinn.

Langtarte:  
Awr des Langtarte is a scheenes Spiel,  
Finfhunnrtoons braucht'mr, noot is'mr am Ziel.

Oo Strich is zwanzich,  
Oo Schrägstrich is dreißich.



# Kerneier Lyrik

Seite 3

## Spiele

---

Oo „V“-au is fufzich,  
Vier Verzenr sin hunnrtfufzich.

A Null is hunnrt,  
Vier Owre sin zwaahunnrt.

Hoscht was gmeld, schreibschts uff,  
Dr anri schaudr uff die Fingre druff.

Viel denke muss'mr schun,  
Do hott's Hern schun was zu tun.

Ohnr macht dem anre viel zufleiß,  
Un allne zwaa Spielr werd's ganz heiß.

Ohnr jaagd am anre die Terz ab,  
Do ergjrt'mr sich, wie'mr so sagt.

Allmool hott ohnr a heechri Terz,  
Des ist oft so, des is ko Scherz.

Ohnr meld a Quart oo',  
Dr anri a Quint, do is mehr droo'.

Dr anri hott aa a Quint in dr Hand,  
Jetzt sin all zwaa gspannt.

Des is a Nervekitzl-Spiel,  
Nar nett viel ergjre, noot kummt'mr endr an's Ziel.

Ohnr meld a Quint zum Owr, dr anri zum Keenich,  
Glick haw ich heint wennich.

Der alles gwinnt, hott schun vierhunntverzich,  
Dr anri, dr Pechvogel, hott erscht hunnrtneinzich.

Mr sin schun beim nächschte Spiel,  
Wer'mr sehgie, wers erscht kummt ans Ziel.

Dr Schwechri hott vier Owre un a Quint zum Ass,  
Der freit sich, jetzt machts wiedr Spaß.



# Kerneier Lyrik

Seite 4

## Spiele

---

Dr Gwinnr bisher, meld a Terz un a Quart,  
Der freut sich schun, jetzt haw ich's gschafft.

Dr zwati sagt schee langsam, ich bin aa noch do,  
Do werd dr anri im Gsicht ganz bloo.  
Ich hab a Quint zu dr Ass,  
Un vier Owre, jetzt machts wiedr Spaß.

Der a bisl Pech hott ghatt, gwinnt die Partie,  
Dr anri a Wuut, des v'rzeih ich dr nie.

Gschwindlt werd nett, des wär ko scheenes Spiel,  
Un awr aa a falsches Ziel.

Mr kann sich mool v'rkumme, des siehgt'mr ei',  
Hie- un do, kann des mool sei'.

Ja, un so hem'mr Kartes gspielt dreirlei,  
Bei uns drhoom in Kernei.